

Nyanja - Citonthozo Malembo - Comfort Scriptures

2 AKorinto 1:2-4 Cisomo kwa inu ndi mtendere zocokera kwa Mulungu Atate wathu, ndi Ambuye Yesu Kristu. 3 Wolemekezeka Mulungu ndi Atate wa Ambuye wathu Yesu Kristu, Atate wa zifundo ndi Mulungu wa citonthozo conse, 4 woo titonthoza ife m'nsautso yathu yonse, kuti tidzathe ife kutonthoza iwo okhala m'nsautso iri yonse, mwa citonthozo cimene titonthozedwa naco tokha ndi Mulungu.

Miyambi 15:13 Mtima wokondwa usekeretsa nkhope; Koma moyo umasweka ndi zowawa za m'mtima.

1 Mafumu 8:66 Tsiku lacisanu ndi citatu anawauza anthu apite; ndipo iwo anadalitsa mfumu, napita ku mahema ao osekera ndi okondwera mtima cifukwa ca zokoma zonse Yehova anacitira Davide mtumiki wace, ndi Israyeli anthu ace.

1 Mbiri 16:10 Cipanganoco anapangana ndi Abrahamu, Ndi lumbiro lace ndi Isake;

Miyambi 12:25 Nkhawa iweramitsa mtima wa munthu; Koma mau abwino aukondweretsa.

Miyambi 13:12 Ciymbekazo cozengereza cidwalitsa mtima; Koma pakufika cifuniroco ndico mtengo wa moyo.

Yesaya 30:26 Komanso kuwala kwace kwa mwezi kudzakhala ngati kuwala kwa dzuwa, ndi kuwala kwa dzuwa kudzakula monga madzuwa asanu ndi awiri, monga kuwala kwa masiku asanu ndi awiri, tsiku limenelo Yehova adzamanga bala la anthu ace, nadzapoletska khana limene anawakantha ena.

Hoseya 13:8 Ndidzakomana nao ngati cimbangondo cocilanda ana ace, ndi kung'amba cokuta mtima wao; ndi pomwepo ndidzawalusira ngati mkango; cirombo cidzawamwetula.

1 Samueli 1:8,10 Ndipo mwamuna wace Elikana anati kwa iye, Hana, umaliriranji? ndipo umakaniranji kudya? ndipo mtima wako uwawa ninji? Ine sindiri wakuposa ana khumi kwa iwe kodi? 10 Ndipo mkaziyo anali ndi mtima wowawa, napemphera kwa Yehova, naliratu misozi;

MaSalmo 25:16,17 Ceukirani ine ndipo ndicitireni cifundo; Pakuti ndiri woungumma ndi wozunzika. 17 Masautso a mtima wanga akula: Munditurutse m'zondipsinja.

MaSalmo 34:18 Yehova ali pafupi ndi iwo a mtimawosweka, Apulumutsa iwo a mzimu wolapadi,

MaSalmo 38:8 Ndafoka ine, ndipo ndacinjizidwa: Ndabangula cifukwa ca kumyuka mtima wanga.

MaSalmo 55:4 Mtima wanga uwawa m'kati mwanga; Ndipo zoopsa za imfa zandigwera.

MaSalmo 61:2,3 Ku malekezero a dziko lapansi ndidzapfuulira kwa Inu, pomizika mtima wanga: Nditsogolereni ku thanthwe londiposa ine m'kutalika kwace. 3 Pakuti munakhala pothawirapo panga; nsanja yolimba pathawa mdani ine.

MaSalmo 62:8 Khulupirani pa lye nyengo zonse, anthu inu: Tsanulirani mitima yanu pamaso pace: Mulungu ndiye pothawirapo ife.

MaSalmo 73:26 Likatha thupi langa ndi mtima wanga: Mulungu ndiye thanthwe la mtima wanga, ndi colandira canga cosatha.

MaSalmo 77:2,3 Tsiku la nsautso yanga ndinafuna Ambuye: Dzanja langa linatambalika usiku, losaleka; Mtima wanga unakanakutonthozedwa. 3 Ndikumbukila Mulungu ndipo ndibvutika; Ndilingalira ndipo mzimu wanga ukomoka.

MaSalmo 86:11 Mundionetse njira yanu, Yehova; ndidzayenda m'coonadi canu: Muumbe mtima wanga ukhale umodzi kuti uliope dzina lanu.

MaSalmo 109:22 Pakuti ine ndine wozunzika ndi waumphawi, Ndi mtima wanga walaswa m'kati mwanga.

MaSalmo 112:7,8 Sadzaopa mbiri yoipa; Mtima wace ngwokhazikika, wakhulupirira Yehova. 8 Mtima wace ngwocirikizika, sadzacita mantha, Kufikira ataona cofuna iye pa iwo omsautsa.

MaSalmo 143:4 Potero mzimu wanga wakomoka mwa ine; Mtima wanga utenga nkhawa m'kati mwanga,

MaSalmo 147:3 Aciritsa osweka mtima, Namanga mabala ao.

Miyambi 14:30 Mtima wabwino ndi moyo wa thupi; Koma nsanje ibvunditsa mafupa.

Mlaliki 1:13 Ndipo ndinapereka mtima kufunafuna ndi nzeru, ndi kulondetsa zonse zimacitidwa pansi pa thambo; nchito yobvuta imeneyi Mulungu apatsa ana a anthu akasauke nayo.

Mlaliki 2:10 Ndipo ciri conse maso anga anacifuna sindinawamana; sindinakaniza mtima wanga cimwemwe ciri conse pakuti mtima wanga unakondwera ndi nchito zanga zonse; gawo langa la m'nchito zanga zonse ndi limeneli.

Mlaliki 2:22,23 Pakuti munthu ali ndi ciani m'nchito zace zonse, ndi m'kusauka kwa mtima wace amasauka nazozo kunja kuno? 23 Pakuti masiku ace onse ndi zisoni, bvuto lace ndi kumliritsa; ngakhale usiku mtima wace supuma. Icinso ndi cabe.

Mlaliki 11:10 Cifukwa cace cotsani zopweteka m'mtima mwako, nulekanitse zoipa ndi thupi lako; pakuti ubwana ndi unyamata ngwa cabe.

Yesaya 30:29 Inu mudzakhala ndi nyimbo, monga usiku, podya phwando lopatulika; ndi mtima wokondwa, monga pomuka wina ndi citoliro, kufikira ku phiri la Yehova, ku thanthwe la Israyeli,

Yesaya 57:15 Pakuti atero lye amene ali wamtari wotukulidwa, amene akhala mwacikhaliire, amene dzina lace ndiye Woyer, Ndikhala m'malo atari ndi

oyer, pamodzi ndi yense amene ali wa mzimu wosweka ndi wodzicepetsa, kutsitsimutsa mzimu wa odzicepetsa, ndi kutsitsimutsa mtima wa osweka.

Yesaya 65:14 taonani, atumiki anga adzayimba ndi mtima wosangalala, koma inu mudzalira ndi mtima wacisoni; ndipo mudzapfuula cifukwa ca kusweka mzimu.

Yesaya 66:13,14 Monga munthu amene amace amtonthoza mtima, momwemo ndidzatonthoza mtima wanu; ndipo mudzatonthozedwa mtima m'Yerusalem. 14Ndipo mudzaciona, ndipo mtima wanu udzasangalala, ndipo mafupa anu adzakula ngati msipu; ndipo dzanja la Yehova lidzadziwika ndi atumiki ace, ndipo adzakwiyira adani ace.

Yeremiya 15:16 Mau anu anapezeka, ndipo ndinawadya; mau anu anakhala kwa ine cikondwero ndi cisangalalo ca mtima wanga; pakuti ndachedwa dzina lanu, Yehova Mulungu wa makamu.

Yeremiya 24:7 Ndipo ndidzapatsa iwo mtima wakundidziwa, kuti ndine Yehova; nadzakhala anthu anga, ndipo Ine ndidzakhala Mulungu wao; pakuti adzabwera kwa Ine ndi mtima wao.

Yohane 14:1 Mtima wanu usabvutike; mukhulupirira Mulungu, khulupirirani Inenso.

Yohane 14:27 Mtendere ndikusiyirani inu, mtendere wanga ndikupatsani; Ine sindikupatsani inu monga dziko lapansi lipatsa. Mtima wanu usabvutike, kapena usacite mantha.

Yohane 16:6 Koma cifukwa ndalankhula izi ndi inu cisoni cadzala mumtima mwani.

Yohane 16:22 Ndipo inu tsono muli naco cisoni tsopano lino, koma ndidzakuonaniso, ndipo mtima wanu udzakondwera, ndipo palibe wina adzacotsa kwa inu cimwemwe canu.

Macitidwe 2:46 Ndipo tsiku ndi tsiku anali cikhaliire ndi mtima umodzi m'Kacisi, ndipo ananyema mkate kunyumba kwao, nalandira cakudya ndi msangalalo, ndi mtima woona;

ARoma 9:2 kuti ndagwidwa ndi cisoni cacikuru ndi kuphwetekwa mtima kosaleka.

2 AKorinto 2:4 Pakuti m'cisautso cambiri ndi kuwawa mtima ndinalembera inu ndi misozi yambiri; si kuti ndikumvetseni cisoni, koma kuti mukadziwe cikondi ca kwa inu, cimene ndiri naco koposa.

AEfeso 5:19 ndi kudzilankhulira nokha ndi masalmo, ndi mayamiko, ndi nyimbo zauzimu, kuyimbira ndi kuyimba m'malimba Ambuye mumtima mwani;